

Saopćenje boračkih udruženja općine Tešanj

Retrogradna politika OO SDP-a Tešanj zloupotrebljava boračke populacije

Svjedoci smo posljednjih mjeseci i sedmica kroz različite vidove informisanja da određeni broj demobilisanih boraca iz Armije BiH, širom Federacije iskazuje nezadovoljstvo i iznose zahtjeve spram važećih propisa, kao i rada udruženja proisteklih iz rata '92 - '95.

Svi opravdani zahtjevi, realni i zasnovani na činjenicama koji ce otkloniti nepravdu spram ove kategorije BiH društva, zavredjuju podršku svih struktura, i mi kao boračka udruženja sa područja općine Tešanj, iskazujemo podršku da se isti rješavaju, ali isključivo institucionalno, kroz zakonski moguće procedure i pred institucijama koje su za ta pitanja nadležne, jer i mi tako već godinama radimo.

Međutim, kada se dio tih zahtjeva politizira i određene stranke to prenesu na politikantski poligon kao što to čini OO SDP Tešanj u svom saopštenju od 17.04.2018.g. na tesanj.net, onda to uzima drugu dimenziju i zavredjuje posebnu analizu. (<http://tesanj.net/2018/04/17/reagovanje-sta-je-nama-dan-armije-rbih/>)

SDP-ovi vijećnici na sjednici Vijeća održanoj 13.04.2018.g. protiv rada i statusa Udruženja nisu imali nikakvih primjedbi, a čim su izašli iz sale, zajedno sa svojim drugovima su uzeli sebi za pravo da na navedenom portalu kritikuju ista ta udruženja, pokušavajući na sve moguće načine da umanje njihov dignitet i važnost te ih optužujući kako ne podržavaju obilježavanje Dana Armije BiH kao što to čini ta partija.

Međutim, oni konstantno minimiziraju značaj boračkih udruženja koja su pored ostalog uključena i u manifestacije i aktivnosti koje se tiču obilježavanja značajnih datuma koji se odnose kako na period 1992.-1995. godine, tako i one koje baštine tekovine Drugog svjetskog rata i svega onoga što su tekovine antifašističkog djelovanja, jer i mi pripadamo toj ideji na kojoj smo ustrajavali i kroz posljednju agresiju od susjednih država.

Vama na znanje dajemo da je ove godine obilježavanje dana ARBiH, kao centralna manifestacija ZDK održana u Olovu, kojoj su prisustvovali predstavnici svih boračkih udruženja iz Tešnja, gdje vas nije bilo, ali vas zbog toga nismo prozivali. Povodom istog datuma, sa općine Tešanj je organizovan odlazak u Srebrenicu više od 150 djece. Dakle, tu su bila udruženja za koja se vi pitate gdje su na taj dan! U Tešnju je nedavno organizirano obilježavanje dana III korpusa ARBiH a nosioci su bila udruženja bez da smo to i na koji način javno eksponirali, i sve to ne vidite niti dajete podršku takvim aktivnostima nego to kritizirate jer očigledno vam smeta.

No, vas to očito ne interesuje jer vi svoju posjetu Hrastiku politizirate nazivajući je obilježavanjem dana Armije, te vaši i naši motivi obilježavanja značajnih datuma, očito nisu isti.

Interesantno je da u vrlo ružnom kontekstu prozivate "odane komandante". A šta to fali našim komandantima? Mi se njima ponosimo i na manifestacije ćemo ih zvati dok god su živi, a na vaše političke manifestacije vi pozivajte one komandante koji su u vašim redovima. Generalno, Dan Armije, pa i boračku populaciju ne trebate koristiti da bi se slale političke poruke i držale političke lekcije, pogotovo to vi ne bi trebali!

Zašto niste prozvali vaše članove revizorskih timova koji su iz prava nezakonito izvodili na stotine RVI i porodice šehida i još to debelo naplatili iz fonda namijenjenog borcima? Zašto se niste ogradili od zastave Herceg Bosne kojom su pojedini u toku sjednice Vijeća 13.04. mahali u parku ispred zgrade, a čije ste vi interese zastupali? Svi zanju koliko je ta zastava zla nanijela, a doveli ste je u sred Tešnja!

Na način kako vi to radite ne gradi se zajedništvo, država niti institucije, to nije „patriotizam“ nego je to retrogradna politika koja ne donosi dobro nikome. Nemojte preko boračkih populacija ostvarivati političke ambicije, iako to uporno pokušavate, a za isto optužujete druge. Nije korektno! Pa to svi vide. To se i ranije pokazalo nije pravi put i nemojte to činiti! Onaj ko daje podršku da se vijori zastava paradržavne tvorevine u Tešnju, taj se mora ozbiljno analizirati.


Predsjednik ORVI Tešanj


Muharem Sejdić, ecc

Predsjednik UO JOB-a BiH
„Unija veterana „ Tešanj


Adem Mahalbašić

Predsjednica UO OPPBIŠ


Nura Mehić

Predsjednik Udruženja dobitnika
najvećih ratnih priznanja „7-jug“
Tešanj


Hasan Handžić

